

重修臨漳縣志卷之首

卷首

目錄 凡例 原序 原銜 原檄 圖

卷一

疆域志

四至 紀事沿革 村鎮 河渠 風土

古蹟

卷二

建置志

城池 街巷 祠祀 公署 倉廩 坊表

橋梁 善舉

卷三

賦稅志

人丁 地畝 科則 正賦 耗羨 漕糧

漕項 灘租 起運存留 雜稅 鹽引

學校志

學宮 學署 學額 學田 高等小學

初等小學

卷四

職官表

文職 武職

卷五

選舉表 上

薦辟 進士 舉人 貢生

武進士 武舉人

卷六

選舉表 下

文階 武階

封贈 襲蔭

卷七

列傳一

宦績

卷八

列傳二

名臣 忠節

卷九

列傳三

孝義 篤行 儒林 文苑 隱逸 方術

流寓

卷十

列女傳 上

孝婦 義婦 烈女 烈婦

卷十一

列女傳 下

節婦

卷十二

藝文志

記上

卷十三

藝文志

記下

卷十四

藝文志

詩

卷十五

藝文志

賦

卷十六

藝文志

雜志

卷十七

補餘

卷十八

瑣錄

臨漳縣志卷之一

疆域

四至
古蹟

紀事沿革

村鎮

河渠

風土

體國經野界畫爲先古今旣異陵谷屢遷芳躅未
遠風土宜宣輶軒下逮可考見焉作疆域志

臨漳爲古鄴都一時繁盛甲天下千百年來經畫因革
各有損益漳河數徙其事益繁舊志疆域僅載四至沿
革志內附以事實天文志內附以災祥然言天文者僅
曰分野界乎奎婁之次實室壁之分而已今取二者合
編紀事沿革表又山川志外另有河防古蹟志外別有

陵墓風俗土產皆為專目揆諸義例似可合一今概隸於疆域故區其目曰四至曰紀事沿革曰村鎮曰河渠曰風土曰古蹟河渠之附以隄防古蹟之中兼載陵墓各以類從庶幾易於檢閱焉

四至

縣治在彰德府東北七十里南北廣五十里東西闊六十里周一百八十里

東至魏縣界二十五里

古洹水地

西至磁州界三十五里

即滏陽地緣水浴流明潔可愛民資灌溉栽植菜蔬春時青翠

人逼

南至安陽縣界五十里地接韓陵山

魏高歡破爾朱榮於此山下立碑温

子昇作記陳尙書徐陵奉使過此讀之歎賞不置及歸陳主問北朝人物何如曰惟韓陵一片石耳

北至成安縣界五里

古乾侯地有說法臺遺跡相傳達摩慧可說法於此

東抵魏縣五十里路通山東東昌府

西抵磁州四十里路通山西潞州

南抵濬縣一百六十里

古衛邑有紫金山翠石峻嶒上無餘土相傳玉女修真於此仙

跡猶存路通開封府

北抵永年縣一百里

古曲梁地有臨洛驛

東南抵內黃縣一百里

春秋襄公會於柯卽此今有柯城舊蹟

路通開州

東北抵廣平縣六十里

古曲梁地

路通臨清州

西南抵安陽縣七十里路通衛輝府

西北抵邯鄲縣七十里

古趙都秦圍趙急趙勝求救於魏盡散家藏饗士得死士三千

人大敗秦師卽此路通順德府

至省城四百里

至京師一千三百里

紀事沿革

三五禮樂不相襲沿商周損益事多改革時移事異而
掌故尙焉舊有天文沿革二志今取其事實次其先後
稍加補綴臚爲紀事沿革表雍正以後則取府志及衡
漳考賦役全書補之近今者則以縣卷補之

朝代

紀事

沿革

陶唐

屬冀州

虞

屬冀州

夏

大禹治水覃懷底績至
于衡漳

屬冀州

商

史記殷本紀河亶甲居相

史記正義曰祖乙復遷居耿

相

屬畿內

孔安國曰地名在河北

括地志云故殷城在相州內黃縣東南十三里即河亶甲所築都之故名殷城也

屬晉

周

春秋

鄴

正字通曰今相州鄴城齊桓公所築按鄴之名始此

戰國魏文侯時西門豹為鄴令投巫於河除河伯娶婦之害又發民鑿十二

渠引河水灌民田

鄴邑

屬魏

安釐王二十年晉鄙留軍壁鄴信陵君至鄴矯王令代晉鄙軍進兵擊秦救邯鄲襄王時史起引漳水溉鄴以富魏之河內

秦

漢

高祖

鄴

屬邯鄲郡

按始皇并天下以鄴為邯鄲郡南境上黨郡東境

鄴縣

屬魏郡

按高祖始置鄴縣魏郡理於此地理志云故大河在東北入海

武帝繡衣御史王賀持節逐捕魏郡即今臨漳縣地

東漢

光武建武四年夏四月帝如

鄴遣吳漢擊五校賊於臨平破之

明帝永平五年冬十月帝如

鄴是月還宮

章帝建初七年帝幸鄴賜常

山趙國吏人復元氏租稅三歲

靈帝韓馥為冀州牧居於鄴

獻帝袁紹逐韓馥自領冀州

牧及帝出奔黑山賊覆

鄴縣

駐冀州牧

鄴沮授勸紹西迎大駕
卽宮鄴都紹不從後中
操計自官渡倉迫歸鄴
死
建安九年曹操自領冀
州牧居紹故地始作三
臺營立宮室自立爲魏
王加九錫以冀州十郡
封之
建安二十三年禿鶯烏
集鄴宮文昌殿後池
延康元年曹丕篡位都
於鄴

三國
魏

鄴都

按袁紹據鄴曹操攻
紹拔之受封於此曹

不以爲王業根本號稱北都

少帝曹髦被弒公卿迎奐至

鄴卽皇帝位

正元元年戊戌黃龍見

於鄴井中

晉懷帝

永嘉六年劉琨以瑱鎮鄴石勒濟河瑱保三臺

鄴縣

屬魏郡

以自固勒諸將議取三臺張賓諫止遂去

愍帝

建興元年石勒遣石虎攻陷鄴而據之

臨漳縣

屬魏郡

建興二年避愍帝諱改名臨漳以其北有漳水故也

穆帝

永和五年六月暴風震雷雹大如升

晉國十六

後晉成帝咸和元年石勒
趙使世子弘守鄴營宮室

石勒時黑龍見鄴井中
又星隕於鄴聲如雷震
墜地氣熱如火視之一
石方尺餘擊之音如磬

石虎僭帝號遷都於鄴

石虎時鄴西山石間血
流

石虎饗羣臣於太武前
殿有白雁百餘集於馬
道南太史令趙攬謂白
雁集殿廷宮室將空

石遵僭位時暴風拔樹
震雷雹大如孟雨血遍
鄴城

後石閔幽其主鑿於御龍
魏觀廢而殺之僭位於鄴
改國號曰魏

石閔時有雲黃赤色起
東北長百餘丈一白鳥
從雲間西南去

前慕容儁殺冉閔僭帝號

燕徙都於鄴

秦苻堅平燕以王猛為冀
州牧鎮鄴

後慕容和以南中郎將守

燕鄴

慕容德為冀州牧守鄴
以魏人南逼自鄴帥戶

佃數萬徙滑臺

北魏

道武

拓跋珪至鄴置行臺以馮跋為尙書鎮之後跋帥輕騎自鄴赴滑臺拓跋熙以相州刺史鎮鄴

相州

屬魏郡

按道武帝車駕幸鄴訪立州名崔光對曰昔河亶甲居相宜曰相州

太武

神麌二年四月甘露降於野三年三月甘露降於野

東魏

孝靜

孝武酖閔帝高歡至洛陽奉孝靜卽位因北遷

鄴縣

屬魏尹

按天平初建都復為鄴縣廢安陽蕩陰入

於鄴是為東魏在位十七年禪於齊

元象元年二月鄴城西

南枯井溢

武定三年九月豹入城

南門格殺之

五年八月鄴北城銅雀

臺獲豹一

北齊

文宣

高洋初受東魏之禪都

於鄴國號北齊

慕容三藏為鄴城留守

大將時周師入鄴齊王

公以下皆降三藏猶拒

戰周主引見禮之

天保元年五月鄴下獲

赤雀獻於郊所

焉又分鄴併內黃斥邱肥鄉地別置臨漳縣

臨漳縣 屬魏尹

按高歡挾靖帝遷都於鄴以臨漳為附郭

鄴縣 屬清都尹

天保初建都清都尹理於此

按晉置長樂縣屬安陽至此廢長樂縣入臨漳

八年州郡大蝗飛至鄴蔽日聲如風雨天保中有婦人產子二頭共體武平四年鄴縣有狐媚人多截人髮五年鄴城東青桐樹有如人狀

北周

武帝

建德六年正月乙亥周主率六軍趣鄴癸巳平齊甲午周主入鄴城十月戊申行幸鄴城

靈芝縣

屬魏郡

按武帝平齊後置相州於此大象初縣隨州徙安陽此改名靈芝建德六年移臨漳縣治於鄴東二十里卽今舊縣改鄴城爲相州

靜帝大象元年二月乙亥行

幸鄴

隋

鄴縣

屬相州

開皇初靈芝復名鄴
三年仍改併臨漳

臨漳縣

屬相州

八年分臨漳地增置

長樂縣大業中鄴臨

漳並屬魏郡

長樂縣

屬魏郡

唐

太宗

貞觀十九年春正月帝

發洛陽至鄴為文祭魏

太祖

鄴縣

屬相州

臨漳縣

屬相州

高宗咸亨四年縣令李仁綽
長樂縣 屬相州

於上南開菊花渠自鄴
引天平渠水溉田屈曲
經三十里又北三十里
開利物渠自滏陽入成
安并取天平渠水以溉
田

五代

後史彥瓊為鄴都監軍

鄴都

屬相州天雄軍

唐同光四年二月甲午趙

臨漳縣

屬相州天雄軍

在禮陷鄴都武甯軍節
度使李紹榮討之

按五代史職方考唐
晉漢皆名鄴都

後天福六年八月壬辰高

鄴都

晉帝幸鄴都

八年二月乙丑出帝至
自鄴都庚午寒食望祭

臨漳縣

屬相州彰德軍
漢周仍之

顯陵於南莊

長樂縣

屬相州彰德軍漢周仍之

按晉置彰德軍於相州臨漳與長樂隸之

後漢

鄴都

臨漳縣

長樂縣

後郭威仕後漢為樞密副周使以鄴都留守擁兵入

鄴

汴遂即位

臨漳縣

長樂縣

宋

神宗元豐五年秋漳河決溺

縣居民

臨漳縣

屬相州

熙寧五年上命曾孝寬訪察河北廢鄴長樂縣入臨漳

宋金

臨漳縣

屬彰德衛

元

英宗至治元年七月漳水泛

溢

臨漳縣

屬彰德路

朝代 紀事

明太祖洪武十七年漳河決

沿革

臨漳縣 屬彰德府

成祖永樂九年漳水與滏水

合流

十年漳河決壞隄沒田

禾

仁宗洪熙元年漳河決三塚

村隄岸二十四處

英宗正統元年漳河決杜村

西南隄

按洪武十八年漳水壞城移治於縣東北十八里即今治所原名理王村

憲宗 成化二十一年不雨人

相食

孝宗 宏治五年大旱民飢

十一年斗米千錢

世宗 嘉靖二年十二月雷電

雨雪

八年大饑人相食

三十四年地震

穆宗 隆慶三年大水

神宗 萬曆四年有星長尺餘

白晝北飛

十四年旱

十五年大旱瘟疫死徙

無數

十七年旱秋七月野蠶

作繭

十八十九年旱禾黍不

登

二十年三月大雨雪殺

桑折木

二十四年十二月雷鳴

異方至坤方

二十五年秋大水漳河

北徙

二十六年旱霜不殺草

榆槐再花李冬實

二十七年春夏不雨無

麥

二十八年大旱七月二

十一大風摧黍落實過

半

二十九年七月初四天

鳴鼓

三十五年閏六月漳河

西徙民遭漂溺

三十九年八月漳河南徙

熹宗

天啟四年九月漳水溢現玉璽篆文受命于天既壽永昌八字有漁人獲而歸首縣送京師

莊烈

崇禎十三年大饑斗米一兩二錢人相食盜起瘟疫盛行民僅十存一二

朝代 紀事

沿革

國朝 順治

臨漳縣 屬彰德府

四年秋七月蝗為災
 五年漳水發二次環城
 十數里城門沒五尺
 七年四月初五冰雹
 八年三月初五怪風大作未時起四更止
 九年漳水發南河北城
 下匯流滄田一千一百
 頃水與城門齊
 十一年大水衝入西門
 城幾決知縣萬廷仕率
 衆力救擁土塞竇自辰
 至未方免環城皆水廬
 舍盡壞
 十三年雨水連縣漳河
 泛溢城中搭浮橋往來

城隍廟前石獅盡沒

康熙

四年八月初七酉時地
動漳水浸禾民大饑多
逃散
七年漳水泛溢衝決民
衛地二百七十頃四十
四畝廬舍半為淹沒
九年三月初九戌時至
亥時黑風吼空大樹立
拔民居傾倒時年大饑
蒙撫部院郎
題蠲錢糧一萬二千七
十四兩十月內又蒙

撫部院郎具

題十二月初五日奉

旨豁除水衝沙壓地十

頃三十五畝二釐一毫

六絲連閏共豁除銀六

十二兩二錢八分八釐

二十三年二月飛蝗蔽

日麥苗多損

二十七年十一月二十

四日午時地動

二十九年自春徂夏大

旱風霾日作麥苗盡枯

牛瘟野蠶食桑不繭民

以榆皮槐葉充食蒙

撫部院閣發銀賑濟知

縣陶穎發奉文設廠
煮粥凡三閱月是年又

崇撫部院閣

題蠲錢糧一萬一千九

百六十九兩

五十九年漳河自坊表

村西南徙

六十一年七月初三漳

水驟發泛濫城中行舟

水與縣署簷齊文卷浮

沈倉穀漂沒三千餘石

民居倒塌雍正元年二

月五月兩蒙

皇恩賑濟知縣劉之玠

奉文賑穀一萬五千

八百二十七石

雍正元年七夕大雨漳河徙

城南

二年三年四年五年漳

河屢遷

七年饑蒙

恩蠲免銀七千三百二

十三兩三錢

八年六七兩月大雨連

縣漳水屢發泛濫疊趨

城下沿河莊村低窪之

處廬舍倒塌知縣陳大

玠按戶計間捐錢助葺

九年三月蒙

恩散賑知縣陳大玠奉

文散給倉穀一萬七

百三十九石

十一年蒙

恩蠲免銀七千五兩

錢

乾隆

五年漳水衝塌民田九

月蒙

撫部院雅具

題奉

旨除豁水衝民地四十

三頃六十一畝七分八

釐六毫二絲四忽

二十六年七月漳水入

城

二十七年漳水入城

三十二年秋漳水泛溢

三十五年六月漳水泛

溢

四十年六月漳河決小

柏鶴村

五十四年漳水自銅雀

臺南分支經韓陵北同

洹水入運河

五十八年漳河大徙復

故道

五十九年漳河決三臺

向東南遷至胡家口入安陽界

嘉慶

十八年漳水漫溢册民田三月蒙撫部院長

具

題奉

旨豁除册沒民地一百

三十九頃四十九畝三

分三毫

二十三年漳河決安陽

尤家莊淹及臨境

道光

三年漳河決商家村

十年四月地震五月大

雹為災知縣賴福邦稟

請撥帑賑濟共散賑

銀三萬九千餘兩民需

實惠

十三年漳水泛溢七月
蒙 撫部院楊具

題奉

旨豁除水衝沙壓民地
三百七十五頃四十六

畝五分五釐

十四年漳河決三宗廟

十六年三宗廟漫口

十九年三宗廟漫溢

二十三年漳河決段汪

村

二十九年漳河東沿壩

漫決兩處水口本年春

堵閉夏復開七月二十

二又興築俱各堵閉

三十年漳河決三宗廟

咸豐

元年漳河決三宗廟

二年漳河決三宗廟

十一年漳水泛溢六月
蒙 撫部院嚴具

題奉

旨豁除河佔沙壓民地
六百七十一頃六畝三
分五釐八毫又沙壓稍
輕民地減則連閭共銀
六百七十四兩二錢九
分六釐

同治

元年冬十二月山東匪
黨張錫珠等構難率賊
衆入臨境知城中有備
西竄杜村團長監生靳
三槐率子世昌世勳與
文生郭步衢等迎擊弗
敵郭與靳子皆陣亡同
時死者四百五十餘人

二年山東會匪自范觀
擾至臨境及渡漳人馬
淹沒過半勢以孱削
七年春正月捻匪北竄
擾及臨境從九王毓瑩
等率鄉勇迎敵陣亡同
時死者男女共四百餘
人及匪渡漳覆溺賊騎
無數幾斷流撫部院

李具

題八年六月初二日奉

旨勅加河神昭惠封

號并

頒賜雙源匯澤匾額

光緒

二年大旱四月知縣李

振聲奉文平糶積穀

接濟民食三年大旱十月知縣李

振聲奉文同邑紳彭履謙等勸捐萬緡設廠賑粥撫卹貧民全活甚衆

四年大旱八月知縣李振聲奉賑南漕大米一千五百石

五年六月知縣李振聲領賑南漕大米一千二百石

九年漳河決吳家村

十一年七月初二初三連日大雨漳溢齊溢初

四日辰時水入城頃深三尺城廬多圯知縣徐

本立赴城隍河神兩廟虔禱水立消涸十二年

六月稟請具

題十三年十二月

御賜漳河神金渠永

佑匾額城隍神鄴中

佑順匾額各一方

十二年漳河決二分莊

十八年漳河決辛莊

二十年二分莊漫溢成

口知縣周秉彝稟請緩

徵本年丁地漕項銀二

百五十餘兩漕米一百

六石八斗餘

二十一年四月初四漳

河決二分莊知縣周秉

彝稟請散放積穀九百

石并請

蠲免本年丁地漕項銀

二百餘兩漕米四十一

二十六年旱無麥知縣
周秉彝領賑南漕大米
五百石又南漕變價銀
三千七百五十兩并請
蠲緩本年丁地漕項銀
一萬一千六百餘兩漕
米二千二百八十餘石
三十年三月二十七日
雨雹

村鎮

古者立國必先經野郊甸什伍若網在綱則區畫齊而
事易理臨漳舊分四路爲十七里八社十四屯以里統
莊以莊統村自漳河數遷變置尤多今按糧冊皆以保
名而里名界畫久不可考仍以四十保統村並著其莊
名於下有市者注集字不另列至里社屯外又有九營
爲潞州衛地後併於縣舊志所無今並列之以備參考
內附之井移入善舉鎮仍之內有在城保未列

東路凡八保

東一保 五岔口莊統村十
離城八里

五岔口村 崗陵城 大營村 田村

兵馬寨 郝家王村 趙家莊 三陶王村

袁村 申家村

東二保 柏鶴莊統村十四
離城十五里

柏鶴集 張家村 潘家村 梁家村

田馬吾村 劉家村 高河口 魏家村

柴場 程陶村 王家村 傅家村

張家莊 小柏鶴村

東三保 油坊莊統村十三
離城十五里

杜油坊村 南羊羔村 劉家村 江家村

史家莊 姜油坊村 袁油坊村 陳家村

厲家村 劉柏鶴村 馬家荒村 賀家寨

墩營

東四保 羊羔莊統村十
離城十里

西羊羔村 劉羊羔村 七里營 張潮村

袁羊羔村 李羊羔村 張羊羔村 溫羊羔村

王羊羔村 杜城營

東五保

張費莊統村二十四
離城二十里

張費村

常屯村

劉家村

前王村

耿家村

董家村

申家村

田家村

孟黃村

黑龍廟

郭家村

任家村

花佛堂

馮家莊

胡周村

馬家堂

賈河口

前安上村

錢家村

中王村

後安上村

張探花村

尙臺村

郭少莊

東六保

薛家莊統村十七
離城二十二里

薛家莊

前齊莊

後齊莊

李學村

黃家村

後李村

葛家村

宋家村

常拐村

大呼村

雞李村

小呼村

都家村

姚家村

大碾村

彭家村

申小屯

東七保

佛屯莊統村十九
離城四十里

前佛屯

秤鈎灣集

郭家寨

高山寨

楊家莊

曹谷駝村

李谷駝村

王家村

劉家村

楊家莊

樓郭村

小屯村

郭家村

和義莊

王李莊

硯臺村

後屯村

崔家莊

沙莊

東八保

柳兒莊統村十二
離城四十五里

八蜡柳村

章裏村

洹橋村

張家柳村

崔家柳村

平房莊

樸家莊

關王廟

老莊

甄寨營

校衛營

回隆鎮

見鎮

南路凡十一保

南一保

後村莊統村五
離城五里

後村

東煙落寨

王家莊

鄧家莊

落村

南二保

北野郭莊統村八
離城十二里

陳家村

即北野郭

邢家村

李家村

雙廟村

谷家村

孔家村

北張村

小屯村

南三保

開河莊統村二十
離城十五里

黃開河村

花佛堂

于家園

孔家村

張家路口

劉江堂

許家村

白龍廟

段家村

三皇廟

木劉家村

花王村

徐家村

武家堂

潘家村

王小井村

鐵爐村

孔家店

齊家店

王家店

南四保 看臺莊統村十五
離城二十五里

東燒盆屯 西燒盆屯 東大分莊 西大分莊

崔家村 賈家村 三官廟 趙家村

郭家堂 海島寺 明古寺 冀家莊

薛家村 陳家村 馬家莊

南五保 張村莊統村十五
離城二十五里

張村 集 史家莊 大碾村 看臺村

南小莊 東崗上村 西崗上村 賈河口村

了真堂 孫家村 高家店 油坊村

楊家莊 任志忠店 閻看臺村

南六保

南野郭莊統村十六
離城三十五里

郝家莊 孫家村 三塚王村 常家莊

耿家莊 沙河岸 張家店 南許家村

興王村 郭家村 李家村 王顯吾村

後王村 杜家堂 仝家村 許家村

南七保

蘆村莊統村九
離城四十里

梁家店 小屯村 豆腐營 鄧家莊

吳家莊 東蘆村 段汪村 郭家莊

西蘆村

南八保

孫陶莊統村十七
離城四十五里

孫陶集

姚家莊

西孟家村

李家村

楊家村

水坑寺

趙家莊

陳家莊

耿家莊

東孟家村

潘家村

大樓王村

尙家村

馮家村

劉家村

王家莊

蔡家村

南九保

西柳園莊統村二十
離城四十里

柳園集

劉家村

董家村

陳家堂

涉縣莊

北楊村

郝家村

薛家村

南楊村

五龍廟

鐵爐村

柴家村

賈村

高整營

郝家廟

石家村

高村

尹家村

理王屯

徐家村

南十保

東柳園莊統村十八
離城四十里

任羊羔村

鄭羊羔村

梁羊羔村

張羊羔村

祝羊羔村

李羊羔村

劉廣營

宋家村

東辛莊

高家村

管家村

范家廟

江家村

二分莊

西辛莊

王家村

蘇家村 羊羔屯

南十一保

南柳園莊統村二十三
離城四十五里

樊家營

賀家營

李家營

崔家莊

陳家村

胡家口

王家村

羅家村

張家莊

彭家廟

申家村

尙家莊

趙家村

馮家村

桑家村

許家村

馬家村

龐家村

老田村

申家海村

袁家村

呂家莊

西馮家村

西路凡十二保

西一保 尖塚莊統村七
離城十二里

東狄邱村 牛家村 張家村 西狄邱村

後莊 賈家村 申家村

西二保 北杜村莊統村五
離城十五里

北杜村 宋家村 賀家村 羊羔村

趙家莊

西三保 舊縣莊統村十六
離城二十五里

舊縣小莊 三教堂 奶奶廟 齊家樓

徐家村 冉家店 關家村 李家村

劉家路口 梁家廟 房家村 安家莊

周家村 郭家村 申家村 孟家村

西四保 杜村莊統村十二
離城二十五里

杜村集 東冀家莊 西冀家莊 司家莊

楊家莊 趙家莊 郭家莊 張家莊

欒家莊 秦家村 杜家莊 梅家莊

西五保 教書屯莊統村七
離城四十里

教書屯 尚家村 香房村 司家莊

郭家莊 大碾村 韓家村

西六保

三宗廟莊統村八
離城三十里

三宗廟

羊羔屯

苗家莊

李家莊

馬家莊

土樓莊

高家莊

何家屯

西七保

曹村莊統村十五
離城四十里

甘曹村

劉曹村

西河莊

東河莊

太昌村

劉辛莊

李曹村

宋家寺

桑家莊

東定花城

西定花城

仁壽村

鄴城村

核桃園

洛安臺村

西八保

河圖莊統村八
離城五十里

河圖村集 倪辛莊 西板堂 東板堂

栗辛莊 洪善村 錢家莊 昭德村

西九保 靈芝莊統村十
離城六十里

東靈芝村 西靈芝村 彭城村 西義城

東義城 習文村 芝村 范家莊

前林都村 後林都村

西十保 上柳莊統村十三
離城五十里

上柳村 鄴鎮村見 景隆村 南顯王村

駱家莊 徐家街 高家樓 三臺村

北顯王村 小辛莊 板屯村 西太平村

東太平村

西十一保 辛店莊統村三
離城六十五里

辛店集 灰窰村 時固村

西十二保 邢固莊統村九
離城六十五里

西邢固村 東邢固村 明陽屯 常巷村

吳家莊 前靈芝村 公界村 趙彭城

靳彭城

北路凡八保

北一保 坊表莊統村六
離城三里

西坊表村

東坊表村

王明寨

煙落寨

東後坊表村

西後坊表村

北二保 三寵莊統村十三
離城十二里

三寵村

武學村

前趙壇寨

後趙壇寨

小夾河村

大夾河村

南崗村

西崗村

南東坊村

張修屯

西小莊

小莊村

後小莊

北三保 蕭城莊統村五
離城十五里

蕭城寨
楊家舖
小東坊村
北頭村

北東坊村

北四保
崗村莊統村五
離城十里

東崗村
西崗村
爐耳莊
劉家莊

辛寨村

北五保
大章莊統村十
離城十五里

大章集
隄上村
王家莊
王耳莊

邵家莊
郝辛莊
常家莊
大善村

王耳營
小平營

北六保 辛莊莊統村三
離城二十里

黃辛莊 北柴屯 章裏集

北七保 谷子莊統村六
離城三十里

谷子村 鹽食村 十里墩村 韓旺村

塚上村 馬營

北八保 務本莊統村六
離城三十五里

務本村 回漳村 香菜營 西香營

中香營 老營

鎮二

鄴鎮 在縣西南四十里卽魏故鄴城五代時尉遲迥守之楊堅取迥焚徹宮闕遷士民於西南而鄴遂子

然墟矣至宋曾孝寬訪祭河北改爲鎮鎮之西屬安陽鎮之東屬臨漳

回隆鎮 在縣東南五十里隋煬帝導衛輝蘇門百泉之水東北流合淇淫漳洹之水爲大河御以巡幸

賜名御河鎮居臨漳安陽內黃三縣之衝嘉靖初年爲總兌河南糧儲之所今河道久經湮塞光緒六年

設千總一員駐鎮

附里社屯營

里十七

涇于一里 縣南四十里

涇于二里 縣西南四十里

涇于三里 縣南三十五里

涇于四里 縣東南十里

義塚一里

縣東南二十五里

義塚二里

縣東南二十五里

義塚三里

縣東南二十里

義塚四里

縣南二十五里

大善一里

縣西南五里

大善二里

在城

大善三里

縣西北十五里

張村一里

縣南十五里

張村二里

縣東五里

張村三里

縣東十里

仁壽一里

縣東南二十里

仁壽二里

縣西南四十里

仁壽三里

縣西南三十里

社八

坊郭社

縣西南十五里

顯王社

縣西南四十五里

看臺社

縣南二十里

羊羔社

縣東十里

十里社

縣西三十里

三塚社

縣西十里

大章社

縣西北十五里

洹橋社

縣東南四十里

屯十四

理王屯

在縣南四十里

野郭屯

縣南十里

教書屯

縣西南三十里

田村屯

縣東南十里

杜村屯

縣西南二十里

王村屯

縣東南十里

羊羔屯

縣東十里

花佛堂屯

縣南十五里

李得屯

縣東南二十五里

佛家屯

縣東南四十里

板堂屯

縣西南四十五里

義城屯

縣西南四十里

辛莊屯

縣西十五里有墩臺一座營房三間雍正四年知縣劉湘奉文建七年陳大玠復添

營房三間入年雨傾復修

北柴屯

縣西三十里

營九

兵營

縣東南十五里

杜城營

縣東七里

呼營

縣東南三十五里

甄寨營

縣東南四十里

墩營

縣東二十里

小平營

縣西北十二里

王耳營

縣西北十三里

馬軍營

縣西二十五里

香菜營

縣西南三十里

河渠 附隄防

漳水悍怒遷徙無常臨漳濱河地勢平行土疏易潰未
可捍禦雖西史開渠功昭史冊而後世踵行則旋開旋
廢渠旣難成河復爲患是以有隄防之役邑人呂游著
衡漳考極言其害自時厥後皆以不治爲治所以節財
用免罷役也又漳水源流今昔歧異故采其說於首次
決徙次渠次附隄防凡故道廢址有可稽考者皆錄之
庶後之官斯土者有所采擇焉

漳水源流

呂游衡漳考曰乾隆二年大名府同知彭奉總河顧差查漳河源流時有大名人崔廣有字豐年隨行分查濁漳歸而記其說如此予既錄其原文又質以目之所見數年來又幾更變矣故不可爲圖卽在山中者亦不能無古今之異昔人所謂人之血脈且有老少之不同是也故卽今日之水以記其大畧云爾

漳水發源有二一名清漳一名濁漳俱在山西境內

一清漳發源於山西平定州樂平縣南二十五里少山上有聖壽寺一所泉水北流折西復南流四十里至和

順縣界紫羅村又東南流五十四里至瑤村折而南流
五十里至遼州界駱駝村又南流三十里至上交漳又
折而東南流七十里至涉縣界雲頭嶺又東南流四十
里至河南店又東南七十里至交漳口會入濁漳合流
其泉水自右來者一和順縣西南六十里石猴嶺有泉
水一道東南流八十里由駱駝村南入焉

又和順縣西南八十里入賦嶺上有泉水一道名小漳
源水自石縫流出積水一窪周廣約有二十餘丈東南
流六十里至遼州界長城鎮又東南流繞遼州南關下

流六十里至上交漳會入清漳

其自左來者和順縣東南有圈馬平山上有海眼寺一所泉水流出名清河西流十六里至駱駝村入焉其餘小泉小溝無關漳水緊要者不可勝記俱會上交漳而入清漳水經注有梁榆水轅水古今同異不可考也一濁漳發源於山西潞安府長子縣西五十里發鳩山有靈湫廟一所泉水一道周廣丈餘東流七十里至長治縣界高河鎮折而東流三十三里至屯留界上韓村北流一里至潞城縣界起雲臺西北流三十九里至襄

垣縣界武揚村折而東北復折而東南流六十里至黎城界樞村又東南七十里至平順界王曲村又折而東北流一百零六里至涉縣界張家口東北流三十三里至交漳口會入清漳

其泉水自右來者一長子縣南六十里高平縣界丹朱嶺有泉水一道東北流五十餘里入焉

又長治縣西南有淘清河北流四十餘里入焉又壺關縣北有石子河西北流五十餘里入焉或云此水無泉天旱則竭

其自左來者一長子縣西七十里方山有龍泗河流四十餘里至石折鎮入焉

又長子縣西北三十里有雍水東流六十里入焉

又屯留縣西南六十里盤秀山有蘭水河東流一百里

入焉

屯留縣南有蘭橋相傳爲尾生抱橋處

又屯留縣西北有泲水河東流五十里入焉此水最濁故與漳水合流之後可通名泲水禹貢北過泲水是也又沁州西北三十五里漳源鎮有泉水一道東南流四十里至沁州西關又六十里至襄垣縣虢亭驛折而正

東又轉東南流至襄城縣北入焉

又沁州西北三十五里伏牛山上有顯濟王廟一所宋
元祐勅封下有泉水東南流四十里入漳源鎮合流其
餘小泉小溝甚多俱歸濁漳由交漳口會入清漳合流
涉縣交漳口清濁二漳相並一處東流穿太行山五十
里至磁州界吳家河東流七十里西門閘自閘以西
河中有文石可磨硯又東三十里爲銅雀臺屬河南臨
漳縣河濱多碎瓦可磨硯後趙石虎建武二年作東西宮以漆灌瓦是其遺也世人
多以爲曹魏之反故予詩有石趙高
齊曾再修臺名終是曹家物之句

又東北六十里至成安縣界又東北十五里至魏縣界
又東四十里至元城縣界又東北三十六里至山東館
陶縣界又東北四十里至孫兒寨會入衛河

水經注濁漳初出左則陽泉水注之右則散蓋水入焉
東過堯水梁水又東北過陶水又東過壺關縣北有潞
水注之

又過銅鞮水卽晉大夫羊舌赤銅鞮伯華之邑也縣有
上虓亭下虓聚會專池水出八特山又會女諫水北則
葦池水與公主水合而右注之南則榆交水與皇后水

合而左入焉逕下虓聚至襄垣縣入於漳旁流附入之水惟此最大蓋卽今伏牛山之水也

又東過潞縣為潞水過五會之泉有洹水湯谿水涅水

武鄉水隱空水又東經礪陽城北倉石水入焉以上衡漳考

漳河決徙

宋

紹聖元年十二月己丑漳水溢

元

世祖時滏漳二水合流郭守敬言磁州東北由滏陽郡鄆洺州承年雞澤可灌田三千

名重系宗 卷之十一 疆域 河渠 三

餘頃世祖嘆曰任事如此人不爲素餐矣守敬邢臺人也

明

洪武十七年漳河決臨漳

永樂九年與滏水合流

十年漳河決壞隄沒田禾

洪熙元年漳河決臨漳三塚村隄岸二十四處

正統元年漳河決杜村西南隄

十三年御史林延舉奏疏肥鄉水道漳水遂通於衛

隆慶三年大水

景泰間衝曲周諸縣沿河之地皆築隄備之

正德元年濬滏陽河

萬曆二十五年漳河北徙

三十五年漳河西徙

三十九年漳河南徙

天啟四年九月漳水溢

國朝

順治五年漳水發二次環城十數里城門沒五尺

九年漳水發南河北城下匯流淹田一千一百頃水

與城門齊

十一年大水衝入西門城幾決知縣萬廷仕率衆擁土塞竇乃免環城皆水廬舍盡壞

十三年漳河泛溢城中搭浮橋往來城隍廟前石獅盡沒

康熙四年八月漳水浸禾民大饑

七年漳水泛溢衝決民衛地二百七十頃四十四畝零廬舍淹沒

五十九年七月漳河自坊表村西南遷

六十一年七月漳水驟發泛濫城中行舟水與縣署
簷齊文卷倉穀皆漂沒越日復遷城北故道

雍正元年七夕大雨漳河徙城南

二年漳河再徙

三年漳河屢徙

四年八月漳河由三寵村西南北分二股一股由城
北故道一股由城南漫流

五年六月漳水俱南流成河自三寵村洛村岡陵城
南東至羊羔村一股由卯町入成安境又南一股逢

水漲漫流由賀兒寨入魏縣界

八年六七月大雨漳河屢泛疊趨城下以護城隄高得免濱河村莊廬舍盡倒

乾隆五年漳水衝民田四十三頃餘

二十二年漳水入魏縣城因裁魏縣歸併大名縣

二十五年漳河南岸厲家村築隄

二十六年七月水入臨漳城

二十七年閏五月水又入城

三十二年秋漳水溢

五十四年漳水自銅雀臺南分支經韓陵北同洹水入運河

五十八年六月漳河大徙復己酉故道

五十九年漳河決三臺向東南遷胡家口入安陽界嘉慶十八年漳水泛溢衝民田一百三十九頃餘

二十三年漳河決安陽尤家莊淹及臨境邑拔貢馬朝幹干總郭萬祿監生張家彥損資堵築

道光三年漳河決商家村舉人王燕曾倡捐堵築

十三年漳水溢衝民田三百七十五頃餘

十四年漳河決三宗廟舉人馬康衢倡捐堵築

十六年三宗廟復決

十九年三宗廟又決

二十三年漳河又決皆係邑廩生馬九韶生員戴捷

三倡捐堵築

二十九年漳河東沿壩決二處堵閉復決又築之

三十年決三宗廟

咸豐元年又決三宗廟

二年再決三宗廟

十一年漳水泛溢衝民田六百七十一頃餘沙壓甚多

同治二年漳水驟漲淹沒賊匪

七年捻匪北竄漳水忽漲溺賊幾斷流

光緒九年漳河決吳家村廩生馬中衢稟請堵築

十一年漳水漫溢圯城垣二十餘丈

十二年漳河決二分莊歲貢馬中衢與安陽內黃紳民同堵築

十八年漳河決辛莊淹及臨安內各境經知縣周秉

彝會同安陽縣知縣董慶恩督邑恩貢馬萬同武生
苗世泰舉人袁鳳鳴安陽武生呂際唐等集資修堵
二十年二分莊漫溢成口淹及臨安內各境經知縣
周秉彝會同安陽縣知縣董慶恩內黃縣知縣蒯鏞
督率邑生員袁福昌恩貢馬仁安安陽生員呂丹書
內黃武舉盧鳳閣等集資堵築

二十一年四月漳河決二分莊老河斷流經委員通
判楊喆麟知縣顧守堦會勘正擬以不治爲治至七
月水漲大溜仍趨老河知縣周秉彝會同安陽縣知

縣葉濟內黃縣知縣蒯錢督前紳等堵築被水村莊
皆賑之

汙水

出武安山舊在縣西入境今絕

滏水

出磁州西北神麴山舊經縣西十五里成化間爲漳水所絕

渠

西門渠

在縣西南西門豹爲鄴令時所鑿引漳水以溉田故名西門今廢

菊花渠

在縣東南洹橋社唐志咸亨四年縣令李仁綽開自鄴郡引天平渠水溉田曲屈縈流三十里

至秋兩岸菊花盛開因以爲名今廢

利物渠

在縣南看臺社縣令李仁綽開自磁滏陽綦連村入縣界并取鄴天平渠水以溉田民得足食

之樂
今廢

金鳳渠

在縣西南顯王社自天平渠引漳水東注經金鳳臺側因名金鳳縣令李仁綽開今廢

百陽渠

在縣西南顯王社自天平渠引漳水十五里南入安陽界本為安陽渠謠言為百陽年久淤塞

雍正五年知縣劉湘疏濬七年知縣陳大玠復加挑濬深七尺濶一丈五尺自顯王村起遶昭德村曹村

河圖村明陽屯漳流寺至安陽穆村出境計長一十二里直達洹河乾隆五十九年漳河南遷廢

萬公渠

在縣西南地勢窪下水淹田禾康熙三十六年知縣陶穎發查有入河舊溝形迹循舊開濬年

久淤塞雍正七年知縣陳大玠勘詳本府萬國宏查看飭令疏濬有石碑二道自義成村至邢固村入安

陽縣小青龍渠計長二千一百三十五丈

福惠渠

在縣城外東南角雍正八年知縣陳大玠新開自隄至河計長四里許有碑記今無考

普濟渠

在縣西南林都村雍正九年知縣陳大玠新開由辛店集順流入安陽青龍渠計長四百三十

五丈有

碑記

洪善渠

在河圖集村東北由弘善村入百陽渠雍正十二年知縣陳大玠新開漳河南遷廢

昭德渠

在河圖集正東由昭德村前入百陽渠雍正十二年知縣陳大玠新開漳河南遷廢

林都渠

在縣西南自林都村起入安陽大青龍渠計長三百丈

附隄防

金大定二年正月詔有司修護漳河插所須工物一

切並從官給勿令擾民

明昌四年有司言修漳河隄埽計三十八萬餘工詔

依蘆溝河招被水缺食人充夫官支錢米不足則

調礙水人戶依上支給

務本隄

在縣西南務本村磁州知州秦邦彥弟秦吉士郎中題本奉旨發磁漳魏成邯肥六處夫

役創築大隄巋然如山以障曲周故漕激水以病鄴魏邦彥曲周人也隆慶五年任

景公隄

在縣西南弘治年知縣景芳築以護城萬曆二十五年袁應泰增築自河北遷遂廢

障城隄

在縣西南署縣事府同知楊震宇築今廢

護城隄週圍一千一百四十四丈雍正四年知縣劉

湘築七年二月內八年三月六月內知縣陳大玠

屢修培築計高二丈五尺底濶三丈頂濶一丈八

尺沿隄栽柳以護城池以防漳水往例城上隄上
工料俱莊村鳩錢修葺知縣陳大玠悉自捐修嗣
隄多坍塌柳已無存同治七年知縣駱文光復修
光緒二十一年知縣周秉彝浚濠培隄二十九年
徧植楊柳始復其舊

岳瀆縣志

卷之一

風土

詩禮多言民俗禹貢備載土宜惟周禮兼言之其卽風
土記之權輿乎臨漳濱河平衍多沙亦原隰地大司徒
所謂其植物宜叢物其民豐肉而庠者也好惡取舍亦
隨土性而遷焉考之載籍參以見聞趨尙物植釐然在
望順其性而導之因其利而阜之亦守土者之一助也

風俗

詩序曰其地陜隘而民貧俗儉蓋有聖賢之遺風焉
又曰魏地陜隘其俗儉嗇而褊急

文獻通考云性緩尙儒仗氣任俠

圖經云地險人豪民瀆事簡

魏都賦云俗饒愔古之風人尙英雄之習

隋地理志云鄴都浮巧成俗雕刻之工特云精妙士女被服咸以奢麗相高其性所尙有京洛之風

方輿勝覽云習尙淳厚雅重儒術耕鑿甚勤

呂氏童蒙訓云鄴下風俗專以婦持門戶爭訟曲直造請逢迎爲子求官代夫訴屈有恒代之遺風乎

郡志云民多力本土多務學

又云奢靡好博民性寬緩

又云信尚浮屠師巫崇美宮室家多空乏惟人文濟濟
趙友琴曰其俗簡嗇而不華其人好亢而不下爭鬪訟
訐習尚使然一言若解歡若平生片語不合視爲寇讐
其怒也有同兩國之相爭其喜也一似羣兒之謔戲惟
其嗇也因有悃悞之風惟其亢也時露真率之性故其
俗有如此者

陶穎發曰臨漳承鄴下之餘風雖家絃戶誦人多儒雅
而任俠使氣好剛喜鬪之習究未能除蓋其所由來者

久矣

土產

穀類

早穀

三月種
八月穫

晚穀

酒穀

俱五月種
九月穫

白黍

酒可作

糜黍

可供食俱四
月種七月穫

紅秫

白秫

俱二月種
七月穫

大麥

九月種
四月穫

小麥

內分三種
麥種麥八月

種四五月穫
春麥
正月種六月穫

蕎麥

六七月種
九月穫畏霜

白豆

黑豆

俱宜窪地
五月種九月穫

籬豆

即綠豆
五月種八月穫

赤豆

四月種
八月穫

菹豆

薯蕷

宜沙土俗
名紅芋

亮類

絲

苧麻

棉宜沙土高地三月種七月後收

油類

芝麻

芥子

沙生俗名落花生宜沙土最多

木類

柏

椿臭惡者樗

榆

柳

槐

楊有白綠二種

畜類

雞

鳥

鵝

鴿

獮牛

即黃牛

驢

馬

騾

羊

犬

豕

蔬類

葑

俗名黃牙白菜

莧

芹

韭

葱

胡荽

俗名芫荽

萵苣

來服

俗名蘿蔔

蔓菁

菠菜

蓼

俗名秦椒

茨

可作帚初生可食

藿

蒜

瓜類

茄

瓠

王瓜

冬瓜

南瓜

西瓜

白瓜

俗名甜瓜

青瓜

果類

李

桃

杏

棗

安榴

梨

楂

蒲陶

花紅

棧

俗名甜子

柶

俗名檳子

柿

冬果 似花紅而小經冬不壞故名

藥類

杏仁

桃仁

山藥 俱多

枸杞

艾

括藞

草類

茅

葦

古蹟

古今猶旦暮也俯仰之間卽爲陳蹟然金鳳靈風諸勝
徒委荒邱蔓草而投巫築堰著有功德於民者雖去古
已久稱頌彌新流覽興懷當非僅憑弔已也舊有陵墓
志今並入此其有遺缺淆雜者稍爲釐補序次於左

都

賈甲故都 在縣西南五十里
今孫陶集卽故址

故魏都 卽鄴
北城

後趙故都 卽鄴
北城

前燕故都

即鄴北城

北齊故都

即鄴南城

城

九侯城

徐廣曰鄴縣有九侯城史記九侯有女入之紂女不喜淫紂怒殺之而醢九侯括地志滏陽縣

西南五十里有九侯城一名鬼侯城即此

鄴都北城

在鄴鎮東北齊桓公所築漢置魏郡作都始於曹操至石虎城盡加以表飾樓閣相連飛

薨碧漢施以采色望之巍然若仙居也苻堅末慕容垂叛率師入之鄴都殘毀

鄴都南城

在鄴鎮東南鄴中記云高歡以北城窄隘令僕射高隆之更築此城掘得神龜大逾方丈

具堵堞之狀城以龜像焉因漳水近城起長隄為防又鑿渠引漳水周流城郭以造水碾水磨云

岡陵城

在縣東南三里周圍八里高二丈故址猶存漢書云樂毅聘魏封岡陵君於此俗譌為崗陵城

汙陽城

在縣西南十五里周圍四里三百步城臨汙水故名水經云漳水東經梁期城西北又經汙陽

城即此今城無考

神武城

在縣西南仁壽里燕記云東魏孝靜興元六年以渤海王高歡為魏相時築此城後齊帝受禪

追尊為神武皇帝因以名城今廢

雍城

在鄴東北四里齊高歡攻鄴擒劉誕遂作此以旌武功焉

定誇城

在鄴城東南周既破齊曰昔為敵國今乃稽首北面一夕作此城名曰定誇

古梁期城

在鄴鎮東北二十里

梁湛城

在鄴西四十里

將城 項羽救趙使蒲將軍渡三戶乃於鄴東北十九里作此城

伯陽城 在鄴西樂毅攻魏伯陽即此城又有伯陽山

倉忙城 在鄴西

平陽故城 在鄴西二十五里

講武城 有二一在漳河北一在滏陽南皆曹操所築

高陽王思宗城 在鄴南城仙都苑中

郡

故魏郡 在鄴城北

州

冀州 在鄴城北

邑

武庚封邑

即鄴地

魏故鄴邑

即今鄴鎮

縣

舊靈芝縣

今靈芝村即其地
詳見靈芝池注

舊長樂縣

隋開皇三年
置舊址無考

廨

司州牧廨

在鄴城南
仙都苑中

門

鳳陽門

卽鄴城門魏武作石虎修飾之詳見下九華宮注

臺

銅雀臺

在鄴城西北高六十七丈上加銅雀窗皆銅籠日初出時流光照耀建安十五年冬曹操建水

經注曰銅雀臺高十丈有屋百餘間後石虎更二丈立一屋建棟接榱彌覆其上盤回隔之名曰命子窟又於屋上起五層樓高十五丈去地二十七丈又作銅雀置之樓巔高一丈五尺舒翼若飛後臺毀土人掘地得瓦色頗青潤平瑩印工人姓名皆入分隸書視譜云人得此瓦爲視貯水數日不滲有名賢題詠載之於後

金鳳臺

在銅雀臺南建安十八年建水經注曰金鳳臺高八丈有屋一百九間安金鳳於臺巔故號曰

金鳳魏志本曰金虎臺改
虎爲鳳避石虎諱故耳

冰井臺

在銅雀臺北建安十九年建以有凌室故曰冰井水經注曰冰井臺高八丈有屋一百四十間

上有冰室室有數井井深十五丈藏冰及石墨焉石墨可書火然之難燼亦謂之石炭又有粟窖及鹽以備不虞今窖上猶有石銘存焉大明一統志云石虎曾於上藏冰三伏之日以賜大臣魏都賦注曰銅雀園西有三臺中央曰銅雀臺南有金鳳臺北有冰井臺三臺相去各六十步其上復道樓閣相連中央懸絕魏武臨終遺令施總帳於上朝晡使宮人吹歌帳中以望吾西陵西陵操葬處卽高平陵也鄴中記云自魏至後趙前燕東魏北齊三臺每加修整甚於魏武初造之時

靈風臺

在後宮內石虎起此臺於顯揚殿後

中臺

在後宮內石虎焚其太子宣於鄴北城乃從昭儀以下數千登中臺以觀之

臣江果示

觀臺 石虎所築以臨漳水為眺望之處故名曰觀觀臺鎮即其地今無考

鬪雞臺

鄴中記曰廣門南有元武池東北五里有鬪雞臺石虎作

戲馬臺

一名閱馬臺劉澄之山川古今志彭城西南有戲馬臺水經注曰漳水自西門豹祠北經閱馬

臺臺高五丈石虎每講武於此又鄴都故事石虎建武六年造此臺於鄴西漳水之南又按晉書載記虎

以女騎一千為鹵簿皆著紫綸巾熟錦袴金銀縷五綵織成鞞遊於戲馬臺即此也

看臺

一曰榭臺在鄴縣東南十五里週迴二百二十八步舊志曰魏齊時每登之觀牧者臺南面平北面

高峻如榭形今看臺社即其地

御史臺

在南城內端門外街西門北向取陰殺之義也

青牛臺

在鄴縣東北四十里鷓鴣陂內周圍二百五十步未詳其始鄴都故事曰高洋逼東魏孝靜禪

位帝步出太極殿東出雲龍門以犢車一乘載帝弟
兄於城東見害夷其族棄屍於萬金渠中渠通鷓鴣
陂市魚者於魚腹中得爪甲碎骨皆
不忍食號曰元郎魚築臺號青牛

仰觀臺

在鄴南城內殿闕之東南興和元年與
城同築周圍二十八步高二丈八尺

尙書臺

在內朝司馬門
內聽政門外

凌雲臺

南巡臺

九華臺

見魏志未
知所在

池

元武池

在鄴北城外西北建安十三年魏武鑿此池以
肄舟楫鄴中記云池在漳水南水經注云沮水

自城西經元武苑苑有元武池有魚梁釣臺石虎時
楊州獻黃鵠雛五頸長一丈聲聞十里泛於此池化
為元龜故池因名後為

漳水所廢畧無遺跡

靈芝池

在鄴北城外鄴中記云池在城西三里黃初三
年文帝鑿四年有鵠鵠集於此池疑此池產靈

芝故以

名縣

金華池

在鄴都苑
九曲山下

芙蓉池

不知所在有魏文帝芙蓉詩左思賦曰綺
井列疏以懸蒂花蓮重葩而倒披疑卽此

陂

鷓鴣陂

在縣東北四十里東西十五里南北十里洹水
入陂有蒲葉魚鼈多鷓鴣陂內有臺周圍二百

五十步號

青牛臺

毛象陂 在縣東北二十里周圍五里舊志曰古畜象於陂魏志吳孫權致巨象於曹操畜此陂中

橋

石竇橋 在鄴北城內水經注曰魏武引漳水自城西東入經銅雀臺下伏流東注謂之長明溝溝水又

從東南逕至東門下南北夾道支流引灌所在地面東出石竇橋下注於湟中故魏武登臺賦曰引長明

溝灌街里也

紫陌橋 在鄴北城外即西門豹投巫處又慕容儁投石虎尸亦於此

赤橋 在鄴北城內鄴中記曰鄴城東七里有赤橋之名

石橋 在鄴南城外鄴中記曰在城東五里南北長一百丈東西闊二丈九尺高一丈九尺元象二年僕射

高隆之造當時以橋北為東市即古萬金渠也

宮

九華宮

銅雀臺東北鳳陽門內水經云石虎建九華宮乃特崇飾此門高二十五丈作層觀於其上又

於樓置二銅鳳頭高一丈六尺久之樓顛銅鳳一飛入漳水餘其一以鐵索絆之鄴中謠曰鳳陽門樓天一半上有鵷鳳相呼喚欲去不去鐵索絆

樓

瑋瑁樓

鄴中記云鄴城之上有瑋瑁樓純用金銀裝飾懸五彩珠簾白玉鈎帶內設瑜石牀取瑋瑁為

龜甲文鋪以十色

繡縵今無遺蹟

逍遙樓

後趙石虎建鄴中記云九華宮北有逍遙樓其蹟無存

園

華林園

在鄴都城
南魏武築

銅雀園

見冰井
臺注

鳴鶴園

葡萄園

鴻鵠園

晉宮闕志曰鄴有鳴鶴園
葡萄園鴻鵠園今無考

西園

魏武築曹植與王劉徐陳阮應皆以文學顯
時號建安七才子常月夜遊讌賦詩於此

苑

仙都苑

在鄴
城南

溝

長明溝 魏武引漳流自城西東入經銅雀臺下伏流入城東注謂之長明溝

堰

天井堰 在縣南看臺社相連二十村乃西門豹史起引漳水作十二登以灌田登相去三百步互相灌

注一源分為十二流皆懸水門又云魏武所作

村

貧兒村 在仙都苑齊後主高緯率內人闔宦作貧兒村編蒲為蓆翦茅為房斷經之薦折足之牀故破

靴履糟糠飲食陷井藜竈敞廠低簷不蔽風雨緯與諸妃嬪遊戲其中以為笑樂傍作一市多置物貨緯時入市令胡妃坐店賣酒宮人交易其中往來無禁三日而罷嗚呼人之昏愚有若是哉及周師至雖欲為貧兒不可得也

壇

通天壇

在鄴城南
仙都苑中

山

東峒山

在縣西南三十五里魏高澄積土為之引萬
金渠水為行樂之所至後周平齊遂毀焉

陵

魏武帝陵

在鄴城西北名曰
西陵即高平陵也

魏元帝陵

在縣西南彭城村按魏志云元帝在位四年
禪於晉封陳留王仍館於鄴宮晉大安元年

崩諡曰元帝
遂葬於此

甄皇后陵

按魏畧及鄴中記云后中山無極人先嫁袁
紹子熙曹操破鄴丕時為五官郎將遂納為

夫人生子獻為郭后所譖賜死後丕以郭后無子詔
養為子獻因母不以道終意甚不平常從丕獵見子
母鹿不射殺其母使獻射其子獻不從曰陛下已殺
其母臣不忍傷其子因涕泣丕即收弓箭以此深奇
之而立為太子及即位追諡其母曰文昭皇后泰和
四年使太常卿甄震持節改葬於朝陽即今處也

墓

袁紹墓

在縣西北十六里紹為冀州牧

侯白墓

在縣西南三十里

狄梁公墓

縣西南狄邱村相傳梁公墓在焉村由此得名

石峯墓

在縣西十里三塚社以子璞贈宮保尙書有景泰御祭碑文併狀元陳循誌銘

塚

疑塚

在講武城外凡七十二塚森然彌望
高者如小山布列直至磁州而止